

195	6. Fyrir uppboðsauglýsingu, þrjár birtingar	kr. 200.00
28. nóv.	7. Fyrir fjármark	— 50.00
	8. Fyrir auglýsingu um óskilafénað, fyrir hverja kind eða hross	— 20.00
	9. Fyrir innköllun, þrjár birtingar	— 200.00
	10. Fyrir auglýsingu um skiptafund	— 100.00
	11. Fyrir einkaleyfisumsókn	— 100.00
	12. Fyrir ógildingarstefnu	— 100.00
	Gjaldskyld efni, sem birt er í blaðinu, en eigi fellur undir neinn framangreindra liða, greiðist með 10 krónum fyrir hvern dálksentimetra.	

Gjaldskrá þessi öðlast gildi 1. janúar 1959. Fellur þá jafnframt úr gildi auglýsing frá 20. júní 1955, um gjald fyrir tilkynningar o. fl., sem birtist í Lögbirtinga-
blaðinu.

Í dómsmálaráðuneytinu, 28. nóvember 1958.

Hermann Jónasson.

Baldur Möller.

196

13. des.

REGLUGERÐ

um breyting á reglugerð nr. 147 1955, um tekju- og eignarskatt.

1. gr.

Við 4. tölulið 6. málsg. í B-lið 34. greinar reglugerðarinnar bætist: og allt að 75% af fasteignamati lóða í kaupstöðum og kaupþúnum.

2. gr.

Reglugerð þessi, sem sett er samkv. lögum nr. 46/1954, öðlast þegar gildi.

Fjármálaráðuneytið, 13. desember 1958.

F. h. r.

Sigtr. Klemenzzson.

Jón Skaftason.

197

23. des.

REGLUGERÐ

fyrir Viðskiptabanka Landsbanka Íslands.

I. KAFLI

Skipulag Viðskiptabankans.

1. gr.

Landsbanki Íslands er sjálfstæð stofnun, sem er eign ríkisins, en undir sérstakri stjórn. Ríkissjóður ber ábyrgð á öllum skuldbindingum bankans.

2. gr.

Önnur aðaldeild Landsbanka Íslands er Viðskiptabankinn. Lýtur hann sérstakri stjórn samkvæmt l. nr. 63 21. júní 1957, um Landsbanka Íslands. Undir Viðskiptabankann fellur sparisjóðsdeild Landsbanka Íslands ásamt öllum útibúum hans. Varasjóðum Viðskiptabankans og öðrum eignum, sem og útlánunum, innlánunum og reikningshaldi, skal halda algerlega aðgreindum frá öðrum deildum bankans.